

Լ. Խաչիկյան

ԴԻԱԶԵՐՉՈՒՄԸ ՀԻՆ ՀԱՅԱՍՏԱՆՈՒՄ

Միջնադարից մեզ հասած հարուստ ձեռագրական ժառանգության մեջ երկրի տնտեսական ու սոցիալական կյանքի ուսումնասիրության համար կարևորագույն նշանակություն ունեցող սկզբնաղբյուրներ են հանդիսանում եկեղեցիներում կարդացված քարոզները:

Իրենց բովանդակությամբ քարոզները բաժանվում են մի շարք խումբավորումների: Մեծ մասամբ նրանք մեկնողական բնույթի են և նպատակ ունեն Աստվածաշնչի որևէ ասույթի մանրակրկիտ քննարկմամբ բարոյադիտական խրատներ տալ ժողովրդին, արմատացնել քրիստոնեական մորալն ու եկեղեցու դոգմաները:

Սակայն թվով քիչ չեն նաև պաամական որևէ դեպքի կամ դիտական հարցի առիթով կարդացված քարոզները, որոնցից, առավել չափով քան նախորդներից, կարելի է քաղել սոցիալ-տնտեսական հարաբերությունների, կենցաղի, ժողովրդի հավատալիքների, ինչպես և դիտության ու արվեստի վերաբերյալ հետաքրքրական այնպիսի փաստեր ու ակնարկներ, որ այլ ժանրի ձեռագիր աշխատությունների մեջ սակավ են հանդիպում: Սույն հոդվածով մենք բժշկագիտության պատմաբանների ուշադրություն ենք հրավիրում 13-րդ դարի նշանավոր մատենագիր Հովհաննես Երզնկացու մի քանի քարոզների վրա, որոնցում պահպանվել են կարևոր տեղեկություններ միջնադարյան հայ բժշկության մասին:

Հովհ. Երզնկացին ծնվել է մոտավորապես 1256 թվին:

Հովհաննեսի գրական, գիտական, մանկավարժական ու քաղաքական գործունեության մասին անգամ համառոտ տեղեկություններ հաղորդելու կարիքը, մեզ հետաքրքրող նյութի կապակցությամբ, չի զգացվում: Նշենք միայն, որ նա հեղինակ է արվեստով գրված բազմաթիվ բանաստեղծությունների, կազմել է Դիոնիսիոս Թրակացու Քերականության հայ հին մեկնիչների աշխատությունների շարահարմար քերականի հավաքածո մեկնություն, դրել է տիեզերագիտական երկեր, բարոյագիտական խրատներ, մեկնություններ և այլն և այլն:

1281 թվին Երզնկացին լինում է Երուսաղեմում¹ Վերադարձին մրանում է Կիլիկիա և սիրով հյուրընկալվում գիտությունների հովանավոր Հակոբ կաթողիկոսի (1268—1286 թ. թ.), ինչպես և Լևոն Բ. Թազավորի կողմից:

Որպես բոլորից ճանաչված մեծանուն ու հեղինակավոր վարդապետ, գիտական և եկեղեցական գործերից զատ, բազմաթիվ քարոզներ է կար-

¹ Երուսաղեմում և, հավանաբար, գրել իր «Թեոլոգիկ եկեղեցւոյ» գործերի ձեռն. Ստեփանոս վարդապետ Կոտիկոցու խնդրանք:

զույժ արքայաշինա Սսում, Դրադարկում, Անավարդայում և Կիլիկիայի այլ քաղաքներում¹ Այդ քարոզներից հառկապես հետաքրքիր է իր բովանդակությամբ 1283 թվին, Հեթում և Թորոս արքայորդիների, ինչպես և այլ իշխանազունների ասպետական կարգը մտնելու առթիվ կազմակերպված հանդիսում արաասանածը, որով Երզնկացին քարոզում է մարդասիրություն, արդարություն, խնամք հպատակների նկատմամբ և այլն:

Հավանորեն նույն 1283 թվին էլ Երզնկացին թողնում է հյուրընկալ Կիլիկիայի ոահմանները, որովհետև արդեն 1284 թվին նրան դառնում ենք Թիֆլիսի եկեղեցիներից մեկում տիեզերագիտական բովանդակությամբ դասախոսություն կարդալիս: Այսպիսով, Երզնկացին Կիլիկիայում եղել է 1281—1284 թվերի միջև ընկած ժամանակամիջոցում, ուստի Կիլիկիայում կարդացած քարոզների համար ունենք վստահելի ժամանակագրական եզրեր (1281—1284 թ. թ.):²

Քարոզները ունենդիրներին դյուրամատչելի դարձնելու, ինչպես և մեծ թվով հանդիսականներ դրավելու համար, քարոզիչ վարդապետները դիմում էին մի շարք հնարներին:

Տաղանդավոր քարոզիչ Վարդան Այգեկցին իր քարոզները համեմում էր հետաքրքրական առակներով, որոնք հետագայում, անջատվելով քարոզներից, Վարդանի անունով մեզ հասած առակների ժողովածուների համար առաջի դեր կատարեցին:

Այլ քարոզիչներ մուծում էին քարոզների մեջ անդամ առանձին բանաստեղծություններ, ինչպես և զեղարվեստական խոսքին ընդորոշ մի շարք հառկություններով (պատկեր, համեմատություն, մետաֆորա, էպիտետ և այլն) ավելի հետաքրքրական էին դարձնում քարոզները:

Հովհաննես Երզնկացու քարոզների ամենաընդունյալ կողմը՝ կյանքից վերցված ու բոլոր ունենդիրներին հասկանալի համեմատություններով վերացական նյութը պարզեցնելն ու հաճելի դարձնելն է:

Բերենք մի օրինակ. «Ի թագաւորանիստ քաղաքն ի Սիս», Պրիստոսի ծննդյան ու մկրտության տոնին կարդացած քարոզում, հանդիսականներին հասկացնելու համար, թե ինչպիսի խորհրդավոր ու հրաշազան տոն է ծննդյան ու մկրտության տոնը, և թե ինչպիսի մեծ ոգևորությամբ ու շքեղությամբ պետք է հավատացյալները կատարեն այդ տոնի հանդեսները, Երզնկացին դիմում է հետևյալ համեմատությանը:

«Յորժամ նոր արքայ աշխարհակալ յաթոռ թագաւորութեան նստիցի և դիրս թագաւորական հրամանի յաշխարհն առաքիցէ, ի բազմաւոր ժողովս քաղաքացն և ի յողնակի շինուածս փողոցացն, աւետեաց իմն հնչիւն և բերկրական դիմաց տեսութիւն և խրախճանութիւնս ամենապատիկս ընդ բոլոր հրապարակս քաղաքին առնիցեն, զփողոցն դարդարելով ի բազմածաղիկ նկարագործական կտաւոցն ծածկութից, ծառս և ծաղիկս ոստոց և համադամ պտղոցն զեղեցկու-

¹ Յե՛. Ձե՛. № 2173, էջ 1ա, 66ա, 86ա, 101ա և այլն:

² Լ. Ղ. Ալիշանն իր «Երզնկա և Յովհաննէս Երզնկացի» հոգովում (աեւ Թուրքից Հայրենեաց Հայոց, հասար. Բ. Վենետիկ, 1870), հայտնում է, որ Երզնկացին այցելել է Կիլիկիա նահ 1283 ու 1316 թվերին: Սակայն Երզնկացու կենսագրությանն ու գրական գործունեությանը լավատեղյակ ընկ. Ա. Սրբադանի կարծիքով, վերահիշյալ ենթադրութեանը չի հաստատվում եղած ձեռագիր ու աղագիր փաստերի ժամկերկիւ ճշնութեամբ:

թեամբ վայելչացուցանեն զիւրաքանչիւր զդրունս և զխանութս: Եւ զանազան զործօնեայքն արհեստիցն զիւրեանցն զարդարել փութան փողոցս, և այսպէս հրապարակատես զուրախութիւն սրտիցն առնիցեն: և այլն:¹

Հետևությունը պարզ է, եթե երկրավոր թագավորի պատվին կառարվում են նման խրախճանքներ, «ապա քանի՜ ևս առաւել պարտ է մեզ զուարճանալ տէրունական տօնիւք»:

Այսպիսի համեմատություններից մի քանիսը վերաբերում են բժըշկագիտությանը, և հայ բժշկության պատմության մի շարք հարցերի մասին լուրջ խորհրդածությունների հնարավորություն են ընձեռում:

Մեզ հետաքրքրող առաջին համեմատությունը գտնվում է ՃԷ (107) Սազմոսի մեկնությանը նվիրված քարոզում:²

Երզնկացին քննարկում է այն հարցը, թե ինչու աստված խստացրեց եգիպտական փարավոնի սիրտը, որի հետևանքով եգիպտացիք կրեցին բազմաթիվ պատիժներ ու արհավիրքներ: Պատասխանը սրամիտ չէ, «որպէսզի,—դրում է նա,—ուսցին ամենայն արարածք զգաւրութիւն և զիրաւունս աստուծոյ»:

Այս բացատրությունը համոզիչ դարձնելու ցանկությամբ՝ Երզնկացին դիմում է իր սիրած համեմատություն կատարելու, օրինակ՝ բերելու մեթոդին: Օրինակն անշուշտ պետք է լիներ այնպիսին, որ ցրեր ունկնդիրների մոտ առաջացած հնարավոր տարակուսանքը: Հանրահայտ ու սովորական կյանքից վերցված համեմատությունը միայն կարող էր կառարել այդ դերը: Եվ այստեղ Երզնկացին հարմար է դնում հիշեցնելու հանդիսականներին հերձման փաստը: Բժիշկը մահապարտին հերձելով, չնայած բազմապիսի ցավերի ու տանջանքների միջոցով սպանում է նրան, բայց ծանոթանալով մարդու ներքին օրգաններին, սովորում է հիվանդներին բուժելու արվեստը և շատ շատերին փրկում մահվան ճիրաններից:

Մեզ հետաքրքրող հատվածը, առանց որևէ փոփոխության, հետևյալն է.

«Զորօրինակ բժիշկ հանճարեզ և իմաստուն զմահապարտ ոք առեալ բազմադիմի մահուամբ սպանանէ և ազգի ազգի կտտանօք և կեզեքելով, մինչ գտանէ զամենայն յօդուածոցն և զջլացն և զերակացն և զփորոտեացն զորպիսութիւն, ի ձեռն միոյ լլկանաց բազմաց արասցէ աւդուտ» (էջ 214 բ):

Բերված հատվածը տարակուսանքի ու կասկածների որևէ տեղիք չի տալիս. պարզ է, որ Երզնկացու ունկնդիրների միջավայրում (իսկ մենք

1 Ձեռ. № 2173, էջ 68ա-բ. բերված հատվածի և զանազան զործօնեայքն արուեստիցըն զիւրեանցն զարդարել փութան փողոցս: առգերում ակնարկված են արհեստավորական համքարությունները: որովհետև միջնադարում յուրաքանչյուր համքարություն ուներ իր փողոցը: Այս տեղեկությունը նույնպես ցույց է առնիս, թե քարոզներն ինչքան բան կարող են առաւել երկրի անտեսական կյանքի շարժարանված հարցերի լուծման համար:

2 Հովհ. Երզնկացու այս և մյուս քարոզների համար օգտագործել ենք Հայկ. ՍՍԲ Միջնադարների Սովետին կից Պեա. Զեռագրատան № 2173 (2187) ձեռագիրը. որը Հովհ. Երզնկացու աշխատությունների մի ժողովածու է. զբաղում է 14-րդ դարում, ստացված է Սահփանոս Բաբունին, բազկացած է 424 թղթյա թերթերից: Սույն քարոզը ընդհին (Յովհ. Երզնկ.) ի ՃԷ. Սազմոսի (ի բանն)՝ Խոստովան եգիպտոս տեառն, զի քաղցր էս վերնագրով գտնվում է ձեռագրի 210 ա—224 ա էջերում:

տեսանք, որ այդ քարոզները նա կարդացել է Կիլիկիայում, 1281—1284 թվերի միջև) բժիշկները ոչ միայն կատարում էին հերձում, այլև հերձումն այնքան հանրահայտ օպերացիա էր, որ նրա որպես համեմատություն հիշատակությամբ հնարավոր էր անդամ ընդունելի ու համոզիչ դարձնել աստվածաշնչային այս կամ այն պատմությունը:

Հասկանալու համար Հովհաննես Երզնկացու հաղորդած տեղեկության նշանակությունը բժշկագիտության պատմության համար, համառոտ մի ակնարկով վերհիշենք դիահերձման պատմությունը:

Որքան մեզ հայտնի է, առաջին հիշատակությունները դիահերձման մասին վերաբերում են վերջին դարերին մ. թ. ա.: Հայտնի է, որ Շղիպ-սոսում, Պտղոմեոս Թադավորի կարգադրությամբ, մահապարանների դիակները հանձնվում էին բժիշկներին՝ դիտական հետազոտություններ կատարելու նպատակով:

Հետագա դարերում, կրոնական նախապաշարումների արմատավորման շնորհիվ, դիահերձումները դադարեցին: Եղակի բժիշկներ միայն երբեմն կատարում էին կենդանիների հերձումներ:

Միջին դարերում դիահերձումը համարվում էր պղծություն ու դիվային մի բան, և դրա մեջ կասկածվողները ենթարկվում էին ամենածանր հալածանքների:

Անդամ Սալերնոյի հանրահռչակ բժշկագիտական դպրոցում, ըստ լատիներեն մասնագետների, հերձվում էին միայն կենդանիների դիակներ: Ճիշտ է, Սիցիլիայի բժշկապետ Մարցիանը հաղորդում է, որ Ֆրիդրիխ I-ի հրամանով (1238 թ.) թույլատրվում էր 5 տարին մի անգամ բժիշկներին ու վիրարուժների ներկայությամբ Սալերնոյի դպրոցում կատարել դիահերձում, սակայն այդ տեղեկությունը ղեռնս ստուգման ու հաստատման կարիք է զգում:

Միայն 16-րդ դարում, Պիոս Դ. պապի կոնդակով, եկեղեցու կողմից թույլատրվել է ու առաջարկվել դիահերձումը, որպես հիվանդությունների բուժումն ավելի դիտական հիմքերի վրա դնելու կարևոր միջոց, դրանից հետո հերձումը բժիշկների պրակտիկայում դարձավ սովորական և անհրաժեշտ օպերացիա: Այս բնադավառում հատկապես հռչակվեց Վեզալիոսը (1514—1564 թ. թ.), որը դիահերձման մեծ փորձ ձեռք բերելով, իր „De corporis hominis fabrica“ աշխատության մեջ կարողացավ ուղղել հույն մեծանուն բժիշկ Գալենի սխալները (Գալենը կատարել էր միայն կապիկների հերձումներ):

Ելենք նաև, որ բժշկագիտության պատմությունը կտրականապես պնդում է, որ արաբական բժշկագիտության մեջ դիահերձումների անգամ եղակի գեպքեր չեն եղել և այդ մասին մտածելն անգամ համարվել է սըրբապղծություն և անարդանքի արժանի հանդիսություն:¹

Այսպիսով, Հովհ. Երզնկացու տեղեկությունը մեծ արժեք է ստանում ոչ միայն հայ, այլև համաշխարհային բժշկագիտության պատմության համար:

¹ I. Менер-Штейнег, К. Зудогоф. История медицины, Москва, 1925, стр. 198—199.

² Проф. Л. А. Оганесян, История медицины в Армении, т. I, Ереван, 1946, стр. 206.

Շարունակենք մեզ հետաքրքրող հատվածի քննությունը:

Ինչպես տեսանք, բժիշկները հերձում կատարում էին մահապարանների վրա և, ըստ երևութի, ոչ թէ դիակների, այլ կենդանի մահապարանների (բժիշկ հանճարեղ և իմաստուն զմեծապարտ օֆ Թոնեյլ քաղաքի մահ-
ուամբ սպառնալիս, ասված է քարոզում):

Իսկ նրանք իրավունք կունենային կենդանի մահապարտի մարմինը հերձել միայն այն դեպքում, երբ հանդես դային ոչ որպես անհաա գիտնականներ, այլ պետական հովանավորությունը վայելող մարդիկ, որոնց գործունեությունը պետության կողմից դիտվեր որպես հանրագույն, հասարակության շահերից բխող գործունեություն: Հակառակ դեպքում անհնարին է բացատրել, թե ինչ իրավունքով և միջոցներով պետք է որևէ բժիշկ տեր դառնար դատական մարմինների կողմից մահվան դատապարտված հանցագործի մարմին:

Մի շարք անուղղակի վկայություններ գալիս են հաստատելու մեր այս ենթադրությունը: Թվենք դրանցից մի քանիսը.

1. Ալիշանը հայտնում է, որ Լևոն Ա-ի արքունիքում հյուրընկալված մի ֆրանկ (եվրոպացի) տեսել է այնտեղ վաթսուներից ավելի ներքինի սպասավորներ, որոնցից շատերը ներքինացվել էին ի պատիժ դործած հանցանքի:¹

Մի այլ եվրոպացի (Burchardus de Monte Slon) 1284 թվին այցելելով Կիլիկիա և թողնելով իր շատ հետաքրքրական հուշերը, ուշադրություն է դարձնում թագուհու ապարանքում եղող 40 ներքինի սպասավորների վրա և հաղորդում է, որ «այն ոճրագործները, որոնք թեթև ունեն կատարած, ամորձատվում են, որպեսզի հայրերի ոճրագործություններն ընդորինակող դավակներ չծնեն»:

Ներքինացումը բարդ և վերաբուժական հմտություն պահանջող օպերացիա է: Ուստի սույն փաստերն էլ գալիս են հիմնավորելու Կիլիկիայում պետական ու դատական մարմինների և բժիշկների միջև սերտ համագործակցություն լինելու մասին արված վերոհիշյալ ենթադրությունը:

Հանցագործների հանդեպ, նայած հանցանքի չափին (պետության կողմից ներքինացման կամ մահվան դատապարտվելու դեպքում), բժիշկները ստանձնում էին դատարանի որոշումն իրագործողների գեր՝ մահվան դատապարտվածին դիտարկելով (զիտական նպատակներով), ներքինացման դատապարտվածին ներքինացնելով (և՛ զիտական, և՛ արքունիքին անհրաժեշտ սպասավորներ մատակարարելու նպատակներով):

Վերոհիշյալից դժվար չի եղրակացնել, որ Կիլիկիայում բժշկությունն ու առողջապահությունը դիտվել է որպես պետական գործ և ֆինանսավորվել է պետության կողմից:

1833 թվին Սսում պատահական պեղման հետևանքով դուրս եկած մի արձանագրություն ուղղակի կերպով հաստատում է այս:

Արձանագրությունը վերաբերել է Ջապել թագուհու կառուցած հիվանդանոցին և հետևյալն է. «Յուդմարումն շինուածոյ եիւանդանոցիս, Բերս-

¹ Ղ. Ալիսան, Միսուան, Վենետիկ, 1880 թ.:

² «Descriptio Terrae Sanctae» (Peregrinatores Medii aevi quattuor ed. F. C. M., Lauent, Lipsiae, 1864).

տոսաստիք բազմաբնակ Ջալալի, ի բվիժ հայոց ՈՂ: Հասկանալի է, որ Լևոն Բ-ի ղուստը՝ թաղուհի Ջալալը 1241 թվին, արքայանիստ Սուլեյմանյանց լով հիվանդանոց, պետք է հոգար նաև հիվանդանոցի ծախքերը, մտածեր նոր բժշկական կադրեր աճեցնելու մասին և այլն և այլն:

Արժանի է հիշատակության, որ Կիլիկիայում ընդհանրապես սեր է տածվել դեպի գրականությունն ու գիտությունը, հովանավորվել ու զարկ է արվել կուլտուրական հաստատություններին:

Իժևկությունն այս առումով բացառություն չի կադմել և եղել է ուշադրության կենտրոնում: Բժիշկները մերձավոր կապեր են ունեցել ժամանակի ամենանշանավոր քաղաքական ու եկեղեցական գործիչների հետ: Որպես օրինակ նշենք, որ Ներսես Շնորհալին «Ի խնդրոյ Մխիթար Հերացի բժշկապետի գրել է բանաստեղծություններ, Ներսես Համբրոնացին մոտ է եղել մի այլ բժշկի՝ Արուսայիդին, և նրա պատվերով գրել է «Անուանք քաղաքաց շինողաց» աշխատությունը և այլն և այլն:

Նշանակալից է նաև, որ որոշ իշխաններ ցանկացել են ուսումնասիրել բժշկությունը և այդ նպատակով արտադրել են տվել բժշկարաններ (հիշենք Հեթում պատմիչին, որի մասին իրեն համար արտադրված մի բժշկարանում պահպանվել է հետևյալ հիշատակարանը. «Զստացող բժշկարանիս զմեծ սեաստիոս և թագաւորազն և բարեհամբաւ դայրն զպարոն Հեթում Տէր Կօռիկօսոյ ... յիշևջիք ի Քրիստոս»):

Հասարակության մեջ բժիշկների ունեցած դիրքն ու բարեկեցությունը նկատի ունի Հովհ. Նրդնկացին, երբ իր մի այլ («Ի ԽԶ. Սաղմոսն Դաւթի, ի մեկնողաց բանից հարմարեալ») քարոզում գրում է. «Մի յուսայք յիշխանս...դի ոչ են միշտ իշխանք, և դիւրաթառամ է փառք և սեծութիւն նոցա իբրև զծաղիկ խոտոյ, և մի յայլ որդիս մարդկան, թէ արուեստագէտ է կամ բժիշկ և թէ այլ ինչ յերկրաւորացս յաջողեալ...»¹

Այս հատվածը պարզում է, որ բժիշկները, իշխանների ու արհեստավորների նման, տնտեսական ու իրավական այնպիսի պայմաններում են գտնվելիս եղել, որ շարժել են հասարակ ժողովրդի նախանձը:

Մեզ մնում է պարզել ուս մի խնդիր.

Հերձումները Կիլիկիայում կատարվել են, արդյոք, սովորական տիպի բուժանոցներում, թե՛ պետության կողմից հովանավորվող, թե՛ բնական սեփականություն հանդիսացող հիվանդանոցներից մի քանիսը միաժամանակ եղել են բժշկական դպրոցներ, որոնցում և, ուսուցման նպատակով, հաճախակի կատարվել են հերձումներ:

Վերհիշենք, որ Ֆրիդրիխ Բ-ի 1238 թվի հրամանով դիահերձման իրավունք ստանում էին ոչ թե բոլոր բժիշկները, այլ միայն Սալեհնոյի Բժշկագիտական դպրոցը (այն էլ 5 տարին մեկ անգամ), ուր սովորում էին

¹ Ձեռ. № 2173 էջ 263 բ.

Օգտվելով առիթից, ստորե քերում ենք նույն քարոզից բժշկության սահմանման մասին Որգնկացու հետաքրքիր դատողությունները՝ «... բժշկական արուեստ նիւթ ունի զմարգկային մարմինն, զի յաղազս մարդկան մարմնոյ եղանի. և հանճար դօրութեան արուեստի սորա է գիտել զխառնուածոցն առաւելութիւն և նուազութիւն, և ի շարժմանէ երակոցն, և բոտ ժամանակին և հասակին և բնութեան տեղոյն՝ զեղս կադմել յարմարական շարախառնութեամբս իսկ կատարումն բժշկութեան է կամ զնեքկա առողջութիւն պահել. կամ զի բաց գնացեալն վերտին դարձուցանել» (էջ 261 ա):

բաղմաթիվ աշակերտներ, և որոնց ողջ ուսուցման ընթացքում անհրաժեշտ էր գեթ մեկ անգամ տեսնել մարգու հերձված մարմին:

Այս հարցին դրական պատասխան տալու միջոց չէինք ունենա, եթե այս անգամ էլ Հովհ. Երզնկացին իր քարոզներից մեկում կատարած շիտեր մի թանկարժեք համեմատություն:

1283 թվին Հեթում և Թորոս արքայորդիների ասպետական կարգի մեջ մտնելու հանդեսում արտասանած իր քարոզում, բաղմապիտի թաքոյադիտական ու մարդասիրական խրատներ տալով, Երզնկացին հորդորում է նորած ասպետներին լավատեղյակ լինել երկրի կառավարման ու ժողովրդի սփոփելու, նրա պահանջները հոգալու գաղտնիքներին, և բերում է հետևյալ համեմատությունը.

«Ջորորինակ եթէ ոք անուանէ զինքն բժիշկ, կազմէ բժշկանոցս, ստանայ աշակերտս, ժողովէ և դեղս բազումս, և թէ ոչ գիտէ զարուեստ և զխառնուած դեղոցն՝ սուտ են ասացեալքն ամենայն: Այսպէս և իշխան և թագաւոր բժիշկ է հասարակաց ժողովրդեան, ունի բժըշկանոց՝ զարքունիսն, աշակերտս՝ զսպասաւորսն, հիւանդս զժողովուրդսն, և թէ ոչ գիտէ զթագաւորական և զիշխանական սահման և զգործ՝ ոչ է հշմարիտ»:

Ի՞նչ իմաստով է հատվածում գործածված «բժշկանոց» տերմինը:

Այդ բառին հայկազյան լեզվի նոր բառգրքում տրված մեկնությունները անբավարար են թվում հատվածի իմաստին խորամուխ լինելու համար: Ըստ բառգրքի հեղինակների՝ «բժշկանոց» և «բժշկառան» բառերը նույնանիշ են և համապատասխանում են հունական ἰατροί:ν բառին: Նրանք կարողացել են տարբերել այդ բառերի հետևյալ իմաստները մեր մատենագրության մեջ՝ (ա) տուն և կրպակ բժշկի. (բ) տեղի և առիթ բժշկության, (գ) զիրք կամ մատյան բժշկության արհեստի, (դ) գեղ և զարման բժըշկության և այլն: Մեր կարծիքով՝ Հովհ. Երզնկացին իր քարոզում այլ իմաստով է գործածել «բժշկանոց» տերմինը: Հատվածի իմաստը պահանջում է տեսնել դրա տակ ինչ-որ հաստատություն, շենք աշակերտներով ու հիվանդներով, այլպես արքունիքի և «բժշկանոցի» միջև համեմատությունը անհիմն կլինի:

Երզնկացին չի օգտագործել հաճախ գործածվող «հիվանդանոց» տերմինը, որովհետև այն նշանակում է հիվանդների բուժման վայր (հիվանդանոց), այլ բժշկանոց, որը եթե համեմատենք նման ձևով ստեղծված վարդապետ-ունոց (վարդապետների ուսուցման վայր), դպրանոց (հնում դպիրների ուսուցման վայր) տերմինների հետ, ապա ակնհայտ կդառնա, որ այն նշանակել է և մեջ է բերվել Երզնկացու կողմից՝ «բժշկական դպրոց», ավելի ճիշտ՝ «կլինիկա» իմաստով: Այս մեկնությունը հաստատվում է հատվածի բովանդակությամբ. վերհիշենք. այնտեղ ասված է «եթե որևէ մեկն իրեն կոչի բժիշկ, հիմնի բժշկանոց, ձեռք բերի աշակերտներ, հավաքի բաղմաթիվ գեղեր...» և այլն, իսկ շարունակության մեջ՝ «Բժշկանոցը սր-

քունիքն է (կամ նման է արքունիքի), աշակերտները սպասավորներն են, հիվանդները՝ ժողովուրդը՝ և այլն¹

Կարծում ենք, որ Երզնկացու քարոզներում եղած վերոհիշյալ համեմատությունները լիակատար իրավունք են տալիս եզրակացնելու, որ Կիլիկիայում (թերևս նաև բուն Հայաստանի շրջաններում) գոյություն են ունեցել բժշկագիտական դպրոցներ, այդ դպրոցներում ուսուցումը զուգորդվել է կլինիկական պրակտիկայի հետ, և, որ ամենակարևորն է, կլինիկաներում բժշկապետները, գիտական և ուսուցողական նպատակներով, կատարել են պետութայն կողմից մանվան դատապարտված հանցագործների հերձուխներ (vivisection)։

¹ Հայաստանում բժշկագիտական դպրոցների գոյության օգտին է խոսում նաև Բարգուզիմես Բուրնացու քարոզներից մեկում (Երազդ օծման հիւանդացւ, Ձեռ. № 3183, էջ 160 ք.) պահպանված հետևյալ համաձայն. «Հոգեւոր բժիշկն նման է մարմնաւոր բժիշկի, և մարմնաւոր բժիշկն այլ ազդ գեղ կու տա յորժամ ի գաստառունն է և գգիբթն կու կարգա. զի յայնժամ ծանր գեղ կու տա. զինչ ի գիբթն զբաժ է, և այլ ազդ գեղ կու տա յորժամ ի գաստառունէն ի գուրս կուգա և ի մէջ հիւանդաց կու չբլի. և զի հանաչէ գակաբութիւն հիւանդացն վասն այն օգորժած լինի և թեթև գեղ տա. ապա այլ ազդ գեղ տա հիւանդին և եւ, յորժամ ինքն հիւանդ լինի կացեալ և գաւն գեղ տուեալ, և յայնժամ առաւել խղճի հիւանդին»։